


پروگرام مالی ده رابطه خشونت خانگی و داخلی



the power of humanity



پروگرام کمک مالی صلیب سرخ ده باره خشونت خانگی و داخلی (FDV) فی الحال بلده کساییکه پس کمک و سفارش بلده اداره کمک کننده میگیردن واز استه .

پروگرام بلده تمام کساییکه ویزه موقت دیرن، یا ویزه شی نامالوم استه، خشونت خانگی و داخلی ره تجربه مونن و ضرورت ده کمک مالی دیرن میسر استه.

آیا معلومات شخصی از مه محفوظ خاد بود؟

- صلیب سرخ معلومات شخصی یا معلومات ده باره ویزه شومره قد حکومت شریک نمونه. رابطه گرفتون شوم قد صلیب سرخ تشکی مومنه. مو معلومات ره که شمو قد درخواست خو میدید همیشه محفوظ نگاه مونی.
- برای مهربانی هیچ رقم اسناد ره که معلومات شوم ده مینی باشه ده ایمیل ری نکید.

ما بلده درخواست دیدو ضرورت ده کمک دیروم

- اگه ضرورت ده ترجمان دیرید که قد شوم کمک کینه، قد اداره تیس (TIS) ده شماره 131 450 رابطه کید و نام زیون خوره قد شی گفته ازونا بخایید که شمو ره از طریق شماره تلفون 1800 733 276 قد صلیب سرخ رخ کینه.
- اگه بلده درخواست دیدو ضرورت ده کمک دیرید و یگو کس ره ندیرید که قد شوم کمک کینه، از طریق شماره تلفون 1800 733 276 یا ایمیل nat_fdv_pilot@redcross.org.au قد صلیب سرخ ارتباط بگرید.

بلده معلومات زیادتر ده وب سایت تا سر یزید

www.redcross.org.au/familyviolencerelief

آیا ای پروگرام قد ازمه کمک میتینه؟

- ای پروگرام قد کساییکه شرایط تا ره دیرن میتینه کمک کینه
- تابعیت استرالیا ره ندیرن یا ویزه دایمی شی ره ندیرن، و خشونت خانگی و داخلی ره تجربه مونن یا ده خطر استن، و
- مشکلات مالی ره تجربه مونن.

چی رقم کمک ها میتینوم بیگروم؟

- کمک میتینه ده اشکال تا باشه :
- کمک مالی
- سفارش کیدو بلده ادارای دیگه
- کمک ده کیس ورک شی (تا ۳ ماه)

بلده ازی که قد از مو کمک کینید تا پیسه دیده بیتینی، مو از شمو چیزای تا ره خاد خاستی:

- وضعیت ویزه مثل شماره پاسپورت و شماره کارد ایمی (ImmiCard). اگه شمو مطمئن نیبید یا فی الحال ویزه ندیرید، شمو بازم میتینید درخواست بیدید و صلیب سرخ ده شمو تلفون مونه تا ده باره شرایط شوم قد شوم توره بوگیه.
- اسناد بانک مثل استیتیمن بانک. اگه شمو ده نام خو حساب بانکی ندیرید که دسترسی درشی بلده شوم محفوظ باشه، بازم میتینید درخواست بیدید .